

四庫全書

集部

欽定四庫全書

集部

石田文集

目錄
卷二

詳校官庶吉士臣龍廷槐

侍讀臣孫球覆勘

總校官編修臣王燕緒

校對官中書臣高中

謄錄監生臣黃臣鵬

欽定四庫全書

集部五

石田集

別集類四元

提要

臣等謹案石田集十五卷元馬祖常撰祖常

字伯庸世為雍古部人居靖州之天山高祖

錫里濟蘇

原作錫里吉思今改正

金末為鳳翔兵馬判

官子孫用以官為氏之例遂稱馬氏曾祖雅

峇

原作月合今改正

從元世祖南征因家于汴後徙

光州延祐中初復科舉祖常鄉貢會試皆第

一廷試第二授應奉翰林文字擢監察御史

劾罷丞相特們德爾

原作鐵本迭
兒今改正

既而特們

德爾復相修怨黜為開平縣尹因避禍告居

特們德爾死乃除翰林待制累遷禮部尚書

尋叅議中書省事元統初拜御史中丞轉樞

密副使乞歸至正四年卒謚文貞事迹具元

史本傳是集凡詩賦五卷文十卷名石田者

以所居有石田山房也其文精贍鴻麗一洗
柔曼卑冗之習其詩才力富健如都門壯遊
諸作長篇巨製迴薄奔騰具有不受羈勒之
氣至元間蘇天爵撰文類錄其詩二十首文
二十首視他家所收為夥又請于朝刊行其
集而自為之序稱其接武隋唐上追漢魏後
生爭效慕之文章為之一變與會稽袁桷蜀
郡虞集東平王構更迭倡和如金石相宣而

文益奇蓋大德延祐以後為元文之極盛而主持風氣則祖常等數人為之巨擘云乾隆四十四年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

集部五

石田文集目錄

別集類四元

卷一

五言古詩

卷二

七言古詩

五言律詩

卷三

七言律詩

卷四

五言絕句

七言絕句

卷五

樂府歌行

雜言

聯句

騷

賦

卷六

制詔

表牋

青詞祝文

卷七

章疏

卷八

銘

箴

贊

雜文

策問

題跋

記

卷九

序

卷十

碑誌

卷十一

碑誌

卷十二

碑誌

卷十三

碑誌

卷十四

碑誌

卷十五

行狀

傳

附錄

石田文集序

故御史中丞馬公諱祖常字伯庸系出西裔延祐初設
科舉以兩榜取士公應河南鄉貢及會試俱冠右榜時
已稱公有文學初非以高科致儒名公志氣脩潔而筆
力尤精詣務剷除近代南北文士習氣追慕古作者與
姚文公燧元文敏公明善實相繼後先故其文詞簡而
有法麗而有章卓然成家其在禮部為尚書在中書為
叅議在御史臺為治書侍御史中丞在樞密為副使累

階要官自奉清約讀書刻厲如始學者雖一話言不苟
及以病歸終于家大夫士之間者無不悼惜嗚呼篆鐘
編磬淡乎其韻瑞璫瑩琤栗然其光質古而文益奇以
之考律呂之和資佩服之華皆用於宗廟朝廷之上者
也詩曰惟其有之是以似之公實有而似焉公之家世
勛閥具國史及墓碑太原王守誠與趙郡蘇天爵在游
從中感知尤多故為序其文集至元五年己卯九月丁
巳中議大夫御史臺都事王守誠序

昔者仁宗皇帝臨御天下慨然憫習俗之於文法思得
儒臣以圖治功詔興貢舉網羅英彥故御史中丞馬公
首應是選入翰林為應奉文字與會稽袁公蜀郡虞公
東平王公以學問相淬礪更唱迭和金石相宣而文日益
奇矣未幾擢拜御史劾權貴人擅弄威福遂罷相位久
之其人再竊政柄左遷公尹縣開平實欲深中傷之公
退耕浮光之野泊然不以介意權貴人死復入翰林為
待制遷直學士訓誥誓命溫厚典則有西漢風在禮部

為尚書兩司貢舉選士專求碩學崇雅黜浮至順天子
親見郊廟裸獻禮文多公裁定及為臺臣端重正大百
辟震肅議論廊廟有關於治體一時薦拔皆重厚清慎
之士公少嗜學非三代兩漢之書不讀文則富麗而有
法新奇而不鑿詩則接武隋唐上追漢魏後生爭慕效
之文章為之一變公之先出永古特部世居天山迨入
中國數世宦學不絕至公位益光顯嗚呼我國家龍奮
朔上四方豪傑咸起而為之用百戰始一函夏干戈既

輯治化斯興而勛臣世族之裔皆知學乎詩書六藝之
文以求盡天修身事親致君澤民之術是以列聖立極屢降
德音興崇庠序敦延師儒非徒為美觀也至于仁皇始
欲丕變其俗以文化成天下猗歟盛哉觀公治行卓偉
若此則祖宗取材作人之數豈第文辭之工而已雖然
非此無以表公之蘊公既沒其從弟察院掾易朔出公
詩文若干篇合天爵所藏共若干卷請于中臺刊諸維
揚郡學嗚呼覽者尚能考公之行也夫至元五年己卯

冬十一月朔嘉議大夫江北淮東道肅政廉訪使趙郡蘇天爵謹序

文章何與乎天地之運哉元化之幹流神氣之推盪凡以之而生者則亦以之而盛衰焉吾嘗觀於禮與樂矣升降揖讓周旋裼襲之容屈伸俯仰綴兆繁瘠廉肉之節文之著也而樂由天作禮以地制禮樂不曰天地之文乎昔者聖人之以禮樂為天下也治與運會文從而生焉世之為文章者蓋亦有出於此而已矣漢唐之治

不及三代遠甚而其人之述作乃或有治古之風者亦
幸而際夫天地之運之盛也趙宋鉅儒載道之書與歐
曾王蘇數子之文君子於是有所徵矣而其運往治弛
則凡以文鳴者皆靡然若緒風之泛弱卉也我國家龍
起朔漠運符義軒淳龐雅大之風於變四海士大夫爭
自奮厲洗濯舊習至仁宗時遂以科目取天下之士而
用之浚儀馬公伯庸裒然以古文擢上第聲光煜如清
河元文敏公謂其所作可以被箠絃薦郊廟天馬寶鼎

諸作殆未之能優也公早歲吐辭即不類近世人語言
古詩似漢魏律句入盛唐散語得西漢之體嘗謂人學
詩文固貴有師授至於高古奇妙要必有得於天吾未
嘗有所授而為之計所嘗師者往往為近世人語言吾
故自知吾之所為者非繇有所授而然也蓋公以英特
之資而涵毓於熙洽之世自決科以來踐敷清華至為
御史中丞其所際者盛矣則其文章又豈繇有所授而
然哉國家且益崇禮樂以對天地之景運能言之士幸

而際乎斯時則其所著當益有可觀者而美盛德之形
容以昭天地之至文則亦有賴於若人之為者而公不
可作矣淮東憲使趙郡蘇伯修甫彙公文藁若干卷將
鋟梓以行於世適旅至廣陵乃使綴一言於編端伯脩
在成均時公以監察御史試國子生得其所試碣石賦
嗟賞不置伯脩以學行政事致位通顯非徒以文知名
獨不能忘昔之嘗知己者風誼之篤可以愧澆俗矣旅
先州人而生于甌粵延祐中公以縑事入閩歸而告諸

朝之公卿大夫士曰閨中有陳旅者可與言文事也則
公亦旅之知己者矣追念曩日與公晤言至夜分不休
約他日還浮光為我結屋並石田山房暮年數往來相
歡今則不然乃執筆序公遺文於空江落木之間俯仰
人世不知涕泗之橫流也應奉翰林文字從仕郎同知
制誥兼國史院編脩官陳旅序

欽定四庫全書

石田文集卷一

元馬祖常撰

五言古詩

都門一百韻用韓文公會合聯句詩韵

詩中有三字非元韻蓋祖常荒學不能
用古韻故也延祐五年八月作

返躬操耒耜奉身寡帷幙田居水春磴城宿霜鳴柝凝
塵尚沉冥幽賞任飄泊行歌鮮同歡起舞真獨作嘯詠

氣頗雄攀躋力或弱膠木植幢蔭醜石掀獸惡心恥婦
女仁志薄游俠諾校書揚雄官入粟卜式爵娛情愜禽
弄失意被蜂蠱佩履侍殿陛觚牘宴館閣傭童飼棧駒
賤婢占屋鵲上書願封禪監祠議嘗禘紅纓綴花房碧
刺冒藂薄春旗天仗浮秋駕星河涸補袞子何能懷祿
我所忤英名襲蓮炬貴藉謝魚鑰造謁每赧然循默譬
沃若壁蝸涎篆敍穴蟻戰壘却組繡紅縷連罨畫翠色
著卿雲羃邑屋瑞雪塗郭郭羣儒修麟經諸將宣豹畧

請劍斬樓蘭傳檄喻邛笮賈區紫貝粲酒壚銀甕鑠
刺繪翻砧郭索蟬就縛水戲鬪魚龍山蒐獻熊攬奇服
燕姬姹獠語滇童愕東郊買鬪鷄西市賣馴鶴宛宛綠
項鳳濯濯紅頭雀豪僧佛宗開大巫鬼物託迎祥有時
和驅厲無旱虐漕粟大庾盈賦結崇廬錯圈虎割肉喂
鵠鷹搏禽嚼荔丹貢甌閩橘顆包沔鄂能賦皆鄒枚飛
翰盡靈駱未央曲果愚長楊市羽繳閑棋笑遇仙雜劇
坐忘瘡飲飛頭虎毛刑官面瓜削朝儀徵魯生廟獻賓

商恪天池漾文波海島通潛壑婦功春蠶溢穡事秋田
穫器美鏤桐梓冶良鑄錢鑄街樾布虛陰觀闕翔寥廓
治廷播訓敕清邊禁標掠窮髮炙馳蹄勾麗醢熊脚詰
奸鉏大猾恤隱發深瘼靈圃白獸游禁籞黃鵠落時方
追治古事乃繼疇昨巢櫓尚羊裘革門仍葦箔周封表
鎮望禹畫首河洛聲名惜馬纓音律辨牛鐸郎署紆銀
艾王邸施丹腹轍浚千車馳塵坐萬馬躍碣石入渤澥
太行分嶺嶧士女工鞞絲王孫帶河橐清明日月懸統

正宇宙拓分行下觀風立聽上宣壘服官綺纚屬虞衡
鄴旁魄腴腠販澤國乳漣給沙漠木禾神所食石蜜刀
乃斫天樞夾杓垣日畿絡雄莫鼎豈以金鑄山豈以銅
鑿戴憑席重重周舍言諤諤錫宴屬在鎬咸秋亟祠霍
造邦象邨室立法簡漢約吾生類鳬鷺賤跡雜兎貉囊
書爛星芒匣劍瑩霜鏐雨耕稗頻擣月斲石或搏尋真
養三芝求方問五藥傳奇存山經輿地指井絡悠悠秋
剪松晏晏春食藿親歡戲假面客至樂吹簫恃才頗優

游使酒漸諧謔山深木敷榮野迴鶴寂寞擔簦踏槐黃
疊袂聯棣萼移官居旂常職領專鐔鑄遮塵帽頂席隨
俗屋蓋筭俸錢具菹醢飲餒膏腴孤危衆易傾獨立
古難卓徒跣防毒蛇空拳困狂狴出敝李子裘入舍居
士儔海運知化鷗泥蝓見屈蠖門高譽荀龍才逸薦禍
鶚逍遙投壺歌慷慨擲骰噓有興即騎行無疑豈龜灼
俎豆觀揖讓賓介講獻酢風襦李涵冰日幌櫻衰酪鄰
饑馬通爨市醉羊屠醵耘德鈔礪刃稱藝弩引曠任情

受世疵肆志探古博奏賦始中程諫獵終失度不念廢
恤緯已謂童舞勺寢興避彈射周折準規彀襍被丘中
琴揚舲池上酌桐孫迸空枝竹穉穿石籜南翁日種漆
北地日產柞蓄厚用不躋材衆工豈格甘泉祠猶清西
河居乃索菁莪採衢謠湛露興徒号帝仁載大輿臣詩
埒微燭史官詳纂記儲以輶甕粕

壯遊八十韻

十五讀古文二十舞劒器馳獵漆洧間已有丈夫氣裹

糧上嵩高靈奇發天秘曄曄三秀芝為我擢粲翠空青
丹銀品伏龜鏤文貝駢羅星辰精附麗日月會紫鳳友
朱鷺翩翩劇翔戲飛閣舒鳥翼懸泉瀉珠琲磨崖見古
刻應是列仙記捫蘿欲登觀苔滑阻凌厲烟霞會蔚儕
霧雨蕭颯至余時戴籜冠綠壁照縞袂檀藥有磐石真
人每同憩北臨黃河水濁流觸天沸蛟龍逐龜鼉鱗介
滿水裔衝波崩金堤萬夫廢穡事官家憂其勞玉馬歲
沉祭江淮畫鷁船夜上謠嘒嘒魚鹽不直錢寡婦豈拾

穗釀酒相呼飲顛倒再拜跪中心忘嗔訶縱談詆漢魏
三十能歌詩鄙薄雕蟲技不肯學仕宦慷慨負高義持
錢送酒家觴至即一醉羹芼嶰谷筍飯煮山陽糴峨冠
擬魯儒短衣真楚製遠行探禹穴六月剖丹荔巫峽與
洞庭彷彿蒼梧帝三吳震澤區幼婦蛾眉細唱歌攪人
心不可久留滯汧淮達汶泗摩挲泰山礪聖鄉有亡書
求道亦容易童子操觚牘價重麒麟罽京國天下雄豪
英盡一世舞羽肅文教橐甲飾武備馬跡見騰塵車轍

聞戛轆轤騫天觀起鱗雜井屋綴千畝開靈潢馴象浴
其汭我皇拓文場羣髦咸戰藝洎予黔婁生言辭罔飾
繪但幸晁董死收拾在等第臚傳下閭闔恩澤承滂沛
春雲覆林塘雜花懸火齊詞垣正舒華吹竽獨無喙執
筆御史府羞縮如牡蠣彈評則春秋齟齬失剗厠問俗
西夏國駟過流沙地馬齧苜蓿根人衣駱駝毳鷄鳴麥
酒熟木枰薦乾薺浮圖天竺學焚尸取舍利安定昆戎
居貪鄙何足貴返途歷邠岐原田表古畷宛宛陶穴民

艱難謀樹藝驪山葵秦魄茂陵迷漢竈黍離悲故宮修
竹編清渭日入狐狸驕天陰蟬螻翳溫泉山津陽古瓦
識唐字關河隔山東華岳秋更霽首陽餓夫薇霜露已
憔悴鑄牛挽浮梁恍惚水所噬晉俗棗齒黃冀馬電蛇
駛井陘阨坤維太行逼象緯煌煌日圍近赫赫天人瑞
田舍植汶篁郵亭擷吳桂優游逢化國俯仰詠樂歲豈
用百二險自乃十一稅北都上時巡扈蹕浮雲騎宴鎬
帳殿移拜洛周廬衛崑空山櫻繁川曲紅藥膩列障敕

勒塞萬里靜烽燧九節菖蒲良貢匪充藥餌疇昔閉戶
居耽讀未見試三年不窺園自謂五經笥四十得俸祿
僅可給美饍誰能薄淮陽不作鴻臚寺簡書畏懷歸弧
矢示初志振鷺方擢質冥鴻忽垂翅感嘆對囊螢興言
友荷蕢諒非廊廟具頗異市井輩當曳鄒陽裾願擁文
侯簪

贈客

疊巘擢蒼蔚繁英粲紛葩銀繭霞已積翠幢栢方遮劇

飲肆豪縱清談宴賓嘉叫嘯虎當嵒趨蹌鶴行沙聯娥
聘趙女貫珠唱吳娃露庭汎蘭蕖風閨透窻紗魚泳文
波圓禽翔喬雲斜逸樂諧金石清真況烟霞洗藥秋汲
澗種秫春燒畬寓言託莊列潛心著義媧所貴丘園賁
終然心匪遐

挽林彥栗秀才

女蘿附高松榮華凌衆草猗蘭困蕭艾顏色亦自好歎
彼谷中人絲絢被纖縞生世固不諧埋銘宜有致

舟中望鄒嶧山

魯雲偃車蓋汶水流魚鱗操舟返任濟川梁號通津東
望鄒嶧山六丁鑿嶙峋靈崑溜泉乳仙遊道霞輶石髓
若可食吾將託茲身

西方灤

魯郊秋已深西灤夕蒲魚日暮積靄重維舟月生初露
涼水禽宿雨晴艷芙蓉擷花結楚佩宛若湘南居

又

東平西郭外船尾到籬根共歎原田沒兼愁邑屋翻秋
寒雲亦雨天晚日初暄野市飢無米流離惜子孫

讀陶潛詩

伯夷恥粟餓屈原避讒死獨有柴桑翁一不失張弛所
以百世下風流激頽靡遐觀八極表浮榮何足數

送來伯長歸澗東

三首

龍角不如犀常不生馬廐麟趾不如牛終當在君園我
行泰山阿日觀望朝候見子被雲服家居夾靈鷲揖之

不得近跂慕塵光後

玄圖詳鳥官丹經譜黃銀義媧鑿崆峒羅列大法陳蔚
矣夫子胸如天懸星辰英聲發為辭商盤襲周幽王官
豈不衆虛席需儒臣安車行有召無弄越水春

雞鳴戒僕御具食起就塗僅取資給周豈謂車騎都行
過青齊野忍見人逃逋翁姑纍帶索跟脰無完膚即欲
與盤飧但可飽一夫遲遲去國旌能得不疾驅

貢待制文修撰王都司同賦牡丹分得色字

名都擅穠華奇葩紛翕葩頰暈紅粉艷囊垂桂蠹蝕初
凝沆瀣水漸展蒲萄織仙綬曳雙環么鳳盤六翼粲粲
春奩瑩晶晶風燈直可憐昭容袖縹緲見顏色

齋宿太社署

五首

朱門屹南起金水經北流繚垣外旁達周屋內廣修圭
玉承繅藉碧鏤飾衣篝中壇土五色夏松露浮浮改容
事明神豈謂茲淹留

明世容謏薄依光秩散署束帶揖上官攝衣奉神御泉

列器每條芻香牲亦茹循壇習登降趨位就表著翼翼
清祀修濟濟百辟助願神錫茂祉農功相蕃庶賤臣捐
俸稍牽犢耕雞曙

元宰職天工太史繹帝載庶官服攸司同寅承聖代赫
奕旂常華議禮出藻繪齋宮熏沐居衣裳步鳴珮鞭榜
吏牘急投足有彈劾乃知容臺貴終日俎豆內

齋宮蔚清華前榮畫方壺古礎石芙蓉日景射銅鋪嘉
木蔭長夏階草宜露濡兵衛限囂雜簷網懸蜘蛛署書

督棗盛設吏視茅苴端居見博士希武循庭除

樂工奏宮懸登歌布護功祠官侍奠瘞靈駟下玄宮祝
辭求善歲侑我棣與種棣種及人饑報祀百禮隆瑣瑣
大社令樂職朝上公

古意

秋羅畫雙蝶涼練透紅綃攀紆翠襃積騰拏鳳盤翹公
子高宴集水閣芙蓉搖來禽丹砂紅石蜜春冰消歡情
光景洽壯意風雲飄所期國士知豈謂虞人招

苦寒

五首

肅肅歲已宴冽冽冰霰集寒雲光不流槁木鳴日夕挾
纊處南戶嚴稜坐相襲端然成離居企念穉陽復

褰裳居重戶驚飈蹈書帷穴地篝石火持酒得冰澌杲
杲日出光萬物待被施豈無陽和節歲序非爾私

納履非遄征瑾戶豈寡交今茲祁寒候火井凝冰沍離
人歎無衣原獸淫弓弔憂端坐耿耿雞鳴動嚶嚶

南戶日頗暄居獨意亦適觀物契妙道含情想真識靜

器理雖殊造定趣乃一古人不可求茲焉寄游息
日精赫重光午景延冬暄真見煦物功始覺陽道尊玄
冥斂時肅衣被元氣溫鼻端有消息守此觀化原

報春堂

青陽布仁德萬品含景滋人道貴有報天施終匪私遲
遲春暉和寸草為生資聊觀孟氏咏載考生民詩

古詩

三首

繾綣憂腸興觴至不能醕高飈揚塵沙條條滿戶竅冠

履對孔經蠅亦集堂突淹留藉君子相與一晤囁

弱馬不可御復爾路阻修石子頭犖确馬足無所投馬
足無所投顛躋臨道周何能乘黃鵠四海一日遊

凌晨視園蔬綠色承露英命婦自採摘終朝掬不盈持
以充庖厨豈療飢腸鳴婆婆秋菰葉不受魚肉腥朝暾
煦寒畦中心含素馨

淵明始末圖

畫史謝文字託意有粉繪高人蹈古道終造玄澹會涉

世情豈真採菊心若寄持酒每自慰翁也得奇計載觀
始末圖悠悠似相契

錄囚太興府公廳書事

寒泉汲露井冰盤薦丹果晝永榴火繁風微筠粉墮雖
欣景清麗復厭事叢瑣堦庭列羣吏敲扑狴犴夥折獄
乏才辯傷民困袒裸初余居田畝銚鑄每親荷幽賞偕
夙昔文字當宴坐諷詠弄毫素射獵削箭筈江介觀海
濤河外陟嵩隴訪隱同壺觴問道辨介羸今也行作吏

冠帶苦包裏翹首望南雲歸心逐東舸

擬古

崇臺拂繁雲阿閣蔭廣路上有彈琴女文采被烟霧玉
食薦翠盤渴飲瑤草露鄙薄貧士妻終歲弄機杼

春寒

二首

叶風應青陽羲御南其輶生榮兆植物民氣趨和柔三
農興歲功鉅鎛日以修云胡司寒神正月行斂收獵獵
驚飈來壯士晝索裘冰梁阻沃漑龜拆橫大疇穡事忽

愆時誰與飢餓謀得見吹律行吾將迎道周

歲律啟璇室天家授人時嘉生達勾萌厚德宣靈祇玄
功既旁被吾人亦咸宜曩在閉關日商旅車不脂瑟縮
謹蓋藏宛宛如蚌龜茲遇孟陬月遲日載景熹春酒續
古意游子求履綦豈悅草木華所貴陽道施陽道一以
施衆美俱無疵

春雲

高雲起城闕流離度庭樹依風拂迴塘波瀾光影注荒

林帶疎烟照日亂縈縷婉孌連浮陽空明映淒霧嵐翠
含玉暉景采滿崑嶼逍遙幽賞諧緬邈世娛阻

送衛大隱卜者

飲馬蘆溝河水寒傷馬骨牧羊居庸關草短餓羊腹君
行苦匆匆我且無握粟陟岡望高雲東南有黃鵠

送幼度御史南游

辭官亦有道諧世亦有窮君子尚高義賤物不賤躬含
情適夷曠潛心入玄中弓旌或南出求子江水東

田間

中田蒔桑桑周垣列苑柳居然成農耕林廬頗完好朋
從時往過林頭出尊酒意氣每酣適仰視北有斗豈知
念湘纍那復嘆嗟一作尼叟丈夫貴立志文字託永久

賦海月送彭君教授九江

江月照人近海月涵太清大地積微塵何能翳其明邈
光儷陽耀陰魄獨含精况爾朝夕馳呼吸成虛盈持茲
燭立造萬類無遁情彭君忽起揖子以知言名

王維輞川別業詩圖

野水已不流野田已無塍日夕華子岡狐狸上丘陵高
人茲為土畫墨飛塵凝空餘古韻語彷彿金石興

新歲丁卯

首二

宣髮日已皓行年屬知非持身仕明時出入謹細微
屑文墨賤藻飾供脂韋秩秩叙天經哺此萬齒飢枉已
未敢進斯願豈終違

獻歲時序改真宰布陽和默默玄運交生物有駢羅天

塗日宣光泮水渙文波豈樂具春服農祥願無訛

飲酒

六首

進士當盛明自謂非時才狂斐學文字無聖為我裁二
者俱寡合終令智士咤斯旦已陽春對我聊持杯祖母
在堂上小孫方稚孩俯仰見五世居生豈悠哉

簡編有重訛折衷無權衡黎庶有重困救藥無持平昔
者賢聖出屯蹇躋其身躋身不躋道龍蛇果能伸棄置
姑飲酒陶然會天真萬物各遂性雜沓向我陳

祖母九十七堂上受封恩小孫初一月哇哇弧矢門吾
生豈不遂知足心不煩在昔田里中學書不窺園鄰舍
或招飲怒不與之言矜持稱廉隅過往太守軒今茲遇
明聖經幄寄討論啟沃資皇明古道因以存時日得賜
酒獨酌還厭喧

考妣早棄我得祿不逮親幸茲有祖母九十康彊身我
情終不樂日思我親仁襁抱免水火少長俾知倫出入
鄉魯俗用變宿習因植松在淮山稼田為齊民興念輒

涕泣有酒亦逡巡

昔我七世上養馬洮河西六世徙天山日月聞鼓鼙金
室狩河表我祖先羣黎詩書百年澤濡翼豈梁鵲嘗觀
漢建國再世有日磧後來興唐臣肩裔多羌氏春秋聖
人法諸侯亂冠笄穀鄧不書名毫髮各有稽吾生賴陶
化孔階力攀躋敷文佐時運爛爛應璧奎

嗟哉寡諧合蒼髮禿不齊觴至即飲嚼猶恐逢訶詆衆
人以儒進我不限吏資入官養交譽惟恐不合時含笑

作雅咏遭罵亦詭隨出入踐華要誣謗成其私積階漸
崇貴剽獵章句辭鼓頰說古今證據稱云為斯世豈可
誣小夫甘自欺興言發喟歎飲者終不知

留別沂州張君仲

揚舲下彭城分飆上沂水與子作別離眷言重徙倚曩
在京華居連室同井里出則馬轡聯入則衣袂比今也
各散去相顧意未已我操田器歸子執州符仕慎勿輕
此身期以善自止

觀耕者有言

庶矣新田殖疲民得無飢先輸公家賦又足食其私老
父揖我語歲功實由茲勸農古有官助給牛種施今官
亦勸農行田吏奔馳爾去告爾長我自安無為

禮部合化堂前後栽小松

三首

買松栽兩階綠髮已可梳恐是女元君截鬚生地腴遲
爾千尺長下產黃琥珀服以安心神飛身作仙客

樹色綠透戶畫景如歲長微風吹几帷硯池麝墨香分

曹寡職業縻廩充鼠腸多因文史閒陶然肆其狂
有屋山之陁有田水之濬如何又苟祿屈伸隨世人納
履斯途征騁心斯失真興言每自悔願為耕鑿民

蔓草不除

大夏萬物長蔓草多華滋勾芒發蒼穎苞實各及時賴
爾有野意使我情悅怡誰云田中殖嘉穀亦如茲

六月七日至昌平賦養馬戶

馬足與石鬬石齒嚙馬足足跛背生瘡突兀瘦見骨官

家日有事陸續使者出使者貴臣子騎馳日逐轂驛吏
報馬斃鞭撻寡婦哭寡婦養馬戶前年夫死役占籍廣
川郡有田種菽粟翁姑昔時在城邑復有屋連歲水兼
旱游饑罹不淑夫死翁姑亡田屋盡質鬻寡婦自養馬
遠適鵬窩谷績紡無麻絲頭葆脛膚黑塞下藜莧小空
釜煮水泣驛吏鞭買馬磨笄向山石安得天雨金馬壯
口有食

寄六弟元德宰東鹿

我有六兄弟我長汝最幼我長守田廬汝幼侍親右跋
涉萬里途隨牒越閩岫親復當官清晝坐寘宴豆教汝
讀詩書夙夜獵文圃不幸親棄予萬里汝扶柩汝兄元
禮賢斬服携汝走我自河淮南迎喪匍匐救號哭天不
應崩裂屢顛踣歸安桐鄉阡銘文手自鏤買石礱石儀
一作古儀樹柏夾漢獸俯仰嘆存沒今茲霜露又汝今出作
縣我偶尚書箴戒汝憶親教公田代耕耨汝素謹禮法
口未見嗔詬更宜歌我詩無視我老謬憔悴傷民恫恚

忿兩莫關縣政書考功同去聽山溜

葆真觀納涼

二首

虐旱熾初暑煩囂不可滌城隅有琳館松竹蔭午日呼
我良朋來嘯咏各岸憤蕭然忘世慮相對坐盤石

淪茗滌塵襟煩暑亦可忘團團篋中扇復開明月光况
此太清居林樾天風涼誰鑿河漢水為我雨八方

端午效六朝體

修篁發秀林新荷疊芳池采絲擷霧縷紗縠含風漪
麤

賓應樂律端陽正歲時馥馥蘭湯浴灩灩蒲酒持漢宮
鬪草戲楚船張水嬉江心鑄龍鏡好用照湘纍

移梅

四首

幽屏逐魚鳥沈跡儔隱淪所欣在林藪嘉植日以親眷
言江介品紛葩號南珍遇我好奇服移根得良因井井
十畝園菁茆蔭澗濱縞裳擢玉質宜此空山春

始逃爨下厄復脫燎原焚結根園畝間炯炯臨水濱疏
華照歲暮綠萼栖寶熏春陽桃杏繁鼎寶獨已先遐情

慙真賞來置我石田北枝散餘霞苔光生碧鮮

玄冬陽已復仙葩綴踈星隔浦映碧竹隨風墮寒燈我
來刈薪蒸弛擔南山陁攀莖嗅清馥擷英嚼芳馨膠結
灌木藪顏色無光熒彷徨未忍棄洗濯歸林亭

植爾當庭隅豈復資鼎味邇爾自谷中豈復相嫵媚冽
冽玄冥候衆植各浮脆高標自凌寒孤尚獨冠歲么禽
何處來飛下雙羽翠

田居二詩寄元叅議

積潦被原田潑水滿陂塘具我錢罇器剉稻飼牛腸周
垣無不完南東植柔桑欣欣條枝發向日欲奮張衆草
還芊芊朝雉鳴陽岡始旦荷畚去取糞城邑傍敢辭作
勞苦但願筋力彊

上馬作將軍下馬作博士服賈真無良蓐食勤穡事王
朝列公卿田稅豈十二同里相勞勉牛種更貸貫雖無
凍餒憂未可悅親志親志在榮光祿養乃始貴為詩獻
儒宗秋穫見稔歲

初日八首

初日照我樹我樹日華滋
檀欒綠陰合四顧無曲枝
盛暑熾煩歌其中有涼颺
成林蔭千畝棲息任所宜

初日照我牆我牆無文巧
周遮限奔逸環堵存屋隅
聖譏糞土惡塗墍飾穢洳
畚鍤戒勞歌樂此生其樞

初日照我屋我屋受陽光
寒暖順時令風雨謹蓋藏
椽楠無文雕析一作榑棟
取材良聖亦善居室苟完
斯為臧

初日照我書我書在東牖
赫矣先聖言天地相永久
秦

火雖燎原其灰為世壽人文待茲成老死學敢後

初日照我田陂水方滿
騰既欣穡禾發復愛嘉木榮
伏臘獻酒食報賽歲事成
告僕緩爾私先可輸王征

初日照我車我車不濡輪
泥潦即不出旱復避埃塵
當轅駕一馬宜彼原隰平
下澤非所慕朱丹亦非情

初日照我池我池水波生
芙蕖冒紅影黃盤蔭綠英
龜魚相浮游鳴雛弄新聲
雖無臺與榭足自娛幽情

初日照我衣我衣多賜服
需哉富筐篚圖報命莫贖
養

病得退歸持此侈君祿茫茫宇宙內被體幾完足

飲田家留題

田家酒初熟邀予坐籬根我復不辭飲喧譁輒傾樽耳
熱歌擊缶雜坐忘卑尊論古似嘲謔顛倒義與軒禮容
或稍稍愛此情義敦邱原正春意歸路花柳繁翻翻鳥
飛去悠悠寄情言

史館閒題

二首

騎馬到畫省冠佩趨几筵豈但文字美所樂長官賢京

國足府寺金穀相百千飛書日雜還奔命懼不先肅肅
館閣嚴操觚績簡編上有日月光下有草木妍森羅大
象列俟此言語宣塞予昧儒學羣髦辱官聯遭逢賴明
世益喜身悠然

畫省真仙居華屋映丹樹青石倚闌干松髮沐雲霧綺
疏刻連錢承塵畫翔鷺中有河漢文夜深室光聚玉函
黃金鑰太史自侍御河上一豎儒伊吾誦章句偶趨彤
廷詔詞林邇天路雖樂文雅懿終慙紬繹誤

祖生求母

風塵知無歸海波知無還所以求母人見似涕已淚
淚何時止得母始歡喜不見畎畝謠常言樂平世

題米孝廉詩卷

仲子或乃廉匡章或乃孝是非相失真百世每一道若
人古君子二德夙所樂風聲苟不樹何以達民教記實
有遷固雄辭蔚文豹坐可卜傳信高旻麗星皓

擬古

二首

長安青雲士任俠日娛游千金為人壽萬金買名謳小
舅拜郎官女婿恩澤侯出入意氣盛歡樂不知憂銀枰
薦海品羊酪乞蒼頭生逢承平世死葬崑崙丘

早嫁金閨彥翡翠冠步搖纏臂七寶鈿繡袿襲鮫綃江
南茉莉粉塗頰發天嬌專房妬夫婿奩錢媚神祇最恨
蠶繅賤却恐鎖香銷

奉和王儀伯叅議龍門

衆鎮列方國茲山入叢霄隱雷鬱夜壑奔溟劇春潮跋

鼈不可升負鼈詎能超媧鍊役萬神禹鑿勞百僚我行
當晨興鷄鳴馬蕭蕭歸馬見閭闔烟雲限紛囂所樂鎬
京從敢賦淮南招摘辭造鴈行藻思芳年彫飲酒輒亦
醉汎汎風鷗飄日畿芙蓉衢玉輶九天遙高詠青雲篇
翹首扶桑朝

問燕

紫燕尾涎涎巢成引雛去秋風巢泥落燕去不知處明
年春社時又來哺雛兒不問主人誰還可巢門楣

擬古二首

日轂麗中天重陰受大光甫田溉以泉嘉穀岐稷芒美
質膺教益釋然達其良區區事文法河決抔土防

驅車上疾坡六馬汗滿溝解航下急瀧百夫不能留微
機有逆順無用卜筮謀車遲或可安航速或覆流

送別李彥方憲副之官

昔在翰林日與子同官聯出入文史間篇章雜朱玄飲
酒學士家走馬大道邊各不識時貴浩氣超八埏今茲

兩禿翁短髮咸被肩睽違諒不樂國憲屬持宣八州多
疲氓豪吏爭控拳擊搏并煦嫗所施務兼全期子上報
政慰我心惓惓

登都北神山醉中題壁

過溪踏瑤瓊入山採蒼翠仙宮名神山下負六鰲背我
來訪丹藥羽人已千歲清嘯響山谷幽姿媚松檜白水
從北來南與衆川會開窻目沃野千峯儼相對自是山
林樂何但官爵貴買田釀清泉里社日相慰詩成悵如

失天風逼衣袂東望鄒衍廟盃酒可遠酌談天劇當時
古屋尚粉繪騎驢獨歸去人世空一喟

種桃

種桃南山麓三歲不得實種瓜東郊園擷之在百日豈
不思遲暮終焉有常食如何種瑤草千歲始一獲

王繼學同張學士壽寧宮祠宿奉寄

永日坐虛館晏然有餘清迤邐違世囂冲融叶道情修
管文賦成歌詩藻思生涼颼入書幌逍遙命觴酒披拂

有庭花山石可擊拊下階就步武布席思我友我友不
可思方與神仙期峩峩華陽巾左右委佩垂夜半登玄
壇象緯光陸離天門倘有過為我含景滋

送郭用可教授雲南郡

駟騎道邛笮拖舟絕牂牁西南古朱天謠俗雜奇譌輶
餉仍桂爨毛裳啗鱸羸良金飾長鍛翁季輒交劇官家
善羈縻獷獍受捫摩君往教其人為國揚餘波同文實
同化萬里歸謳謌

潁郡

孤城介汝潁四野盡衍沃梁楚異風氣沉頓封域錯
的墳壤美宜我稼稻居民尚朴儉遺邦頗文物邈哉
宋兩公當年擅高躅至今風月夜西湖有鳴玉竭來載
淮舟登高恣遊矚故老不可聞聲華竟誰續

昌平道中次繼學韻

清朝富文物冠蓋塞兩京角藝百技並論經千儒并下
才忝供奉肅肅齋館清朝出都門道羣山愜幽情聯鑣

有髦士海內馳英聲
白馬嘶南風羅袍映田塍
笑我如培塿自比山崢嶸

度居庸關次繼學韻

飛鞚陟雲巘決皆盡圖畫
天氣吹高寒山雨洒長夏
冥冥白鳥去寂寂松子下
陸行石當塗水春泉繞舍
高與蜀道齊深乃盤谷亞
筍輿約重來羸馬苦常跨
朋從詠連疊酬應給閒暇
得見王子喬吾將驂鶴駕

石田文集卷一

欽定四庫全書

石田文集卷二

元馬祖常撰

七言古詩

題惠崇畫

龍門千尺梧桐樹，多在石崖懸絕處。
上有古巢生鳳凰，鳳凰臺高山水長。
吳蠶八繭白雲絲，畫史落筆光陸離。
江天萬里莫射鴈，春草年年出湖岸。

所過

張良廟前流水聲歌風臺下曉鷄鳴
行人舟中寐復起此生亦欲成功名
白髮可憐升斗祿持歸不足求田屋
揮杯看劍獨長嘯萬里朝雲見晴木

題商德符山水圖

曹南山君畫山水幅絹咫尺千萬里
古木樛枝障霧雨蒼石斷裂蹲虎兕
路幽應有仙人室樓閣恍惚雲氣入
翰墨黯黯絕丹碧芙蓉峯高觀海日

淮安路池山

淮浦蒲花秋渺渺
淮岸楊花春裊裊
白魚初下酒舡來
十里風烟隔飛鳥
吾生欲向淮安居
更聞池山好田廬
濯足滄浪箕踞坐
不問朝家求聘車

湖北驛中偶成

江田稻花露始零
浦中蓮子青
復青楚船祠龍來買酒
十幅蒲帆上洞庭
羅衣熏香錢滿篋
身是揚州販鹽客
明年載米入長安
妻封縣君身有官

李後主圖

澤國中寒歲年晏沙嶼潮痕明石棧風吹半樹野梅發
天上書來問春鴈江南後主丹鉛手畫盡冰絲世無有
宮中長書諫囊稀媚嫵吳娃雙進酒

寄鄉友

河邊老父念我出遠寄京華書一行謂言白髮今多少
又報南園竹樹荒門前石田秔秫熟犢子新生走如鹿
莫戀官家有俸錢長年作客身如束

送周南翁之官池陽

霏微桂叢綠霧深集仙書殿秋沉沉九華山影墮酒醅
便欲起拖青楓林青楓林高霜葉赤遙遙連雲鴈行急
蜀麻吳鹽來往時閒坐城樓聽江笛

畫樹

寒槎偃寒風雨攻蟄龍留雲礪石根戰壘防秋鹿角柵
長筏浮江下蜀門憶昔馳射古楚原夜觀野火燒楓林
高堂醉酒看畫幅樛枝薜蘿牽我心

何仲博家棣韞堂

我有破屋近烏巢水波春雲拂塘坳弟兄三年不得見
屋前石田添竹梢眼前有此紫荊樹何時重過西州路
欲瀉銀河下墨池盡寫狂歌滿華柱

宿興化縣界

去年七月淮水發獨乘扁舟觀禹跡今年七月天又雨
躍馬南上閩嶺石蹉跎歲時身老大瑣瑣苟祿慚莫述
白髮山中抱孔經會見青藜下太乙

再賡前韻

莆田颶風秋更發山寒天暮見虎跡夜起繞床聽簷溜
又愁雲中龍出石我行閩南王事急文字豈為年位述
每嗟莫救黔婁飢誓從方士祠太乙

題明皇端箭圖

寧王玉笛吹鳳凰桐花秋露宮晝長開元天子忽思武
手中金箭照眼光何物羣婢出後房羽林孤兒射殺將
坐中凜凜無漁陽

題趙承旨枯木竹石圖

猗歟太史諸王孫生絹畫出崑崙根
枯槎菌蠢厄野火淇園秋雨琅玕繁
天寒歲暮碣石館囊書日見玄雲翻
持向故山茅屋底倚看屈曲大江奔

閒題

客來散我床上書客去風吹忽成帙
平生情思苦愛詩更喜坐嘯銷永日
京都王門可曳裾鰲峰翠石相揶揄
睡醒茶甌綠香滿誰能走馬汗揮珠

上京書懷

燕子泥融蘭葉短
疊疊荷錢水初滿
人家時節近端陽
繡袂羅衫雙佩光
共笑江南五雜組
畫鷁浮波供角黍
沙苑射柳追風駒
古來北地為名區

室婦嘆

南陌日長春已半天
風猶寒室婦嘆咄哉
室婦爾何為
卉衣廩粟充凍饑
飽暖無憂樂以嬉
乃此屢嘆將有私
室婦涕泗言復咽
食鮮袂良馬足說
近聞官家賑貧民

雄保諸州已損

一作捐

瘠翁姑帶索行累累弱兒失爺夫

失妻哀號村空野樹槁蔀屋見斗餓鼠啼縣令具名報
大府星火符來應期聚索錢買餅飼公卒書券質田問
鄰主艱難憔悴不易狀誰實為之俾無養嗚呼吾人痛
切膚忍死莫作盜賊徒君不見蒼鷹乳虎有司靡何但
歲凶人化鬼

息齋風竹圖道士華山隱得之命予賦之

往年家住篋簾谷丹鸞之實美如粟玄雲翻空下深靚

昆吾寶刀削秋玉石衣漬錦侵書光風微粉墮生細香
琳館瑤臺九天近夜寒笙聲鏘鏘萬斛蒼烟鬱江雨
二妃彈瑟瀟湘浦郇筒蜀酒亦堪沾蟠石雙杖令誰取
河朔歲晏冰為梁羣木鱗皴臨雪霜遲汝狂飈莫吹裂
截管他年侑帝觴

上京效李長吉

龍沙秋淺雲光薄畫羅宮衣侵曉着吳娃楚娘侍團扇
象輿鳳輦明珠絡椒花染紫風雨香三十六盤天路長

南都北都望行幸千秋萬歲迎君王

李夫人

未央天子香醺骨夫人不貯黃金屋水銅無光溢秋月
留得當年舊蛾綠瑤臺夜佩聲闌珊沉雲叫鴈沙泉寒
二十五弦彈鳳凰玉釵小燕飛春山

祝丹陽祠武當

東窺禹穴西龍門搏虎豹兮觀魚龍中有武當神所宮
捫摩光景憑雲風旁礴瀕入厚地裂環視百鎮真叢叢

丹陽道人紺髮古走馬北來致天語
延祐天子聖明主
萬歲千秋作風雨

蔡州妓趙氏墜崖以死自誓作詩諷俗

鱗鱗汝水冰碧光汝之左右百草芳
紅蘭紫桂媚長晝
鉤輞烏子回銀塘
菱蒲無數菱葉小
西家鞦韆屬年少
燕泥霽雨風景酣
簾箔依稀有歌笑
趙氏女子邯鄲娼
綵絲繡履踏春陽
心思宛轉縈雲縷
羞對兒郎唱鳳凰
樂山嵯峨石生雨
鄉人迎神奏歌舞
婆婆起向神祠前

祝願生身事針組野風吹目雙淚零泉聲松韻相泠泠
誰言女子情愛癖誓死命輕如鳥翎鳥翎飛上合歡樹
開花夜夜無愁苦秋香不斷相思浦玉釵斷股埋黃土

題織錦回文圖

桃葉渡江不用楫織女烏鵲填河白合歡樹下宜男草
草色不及羅裙好織錦度曲聲亦柔黃龍塞是契丹州
夫君戍歸定何日樂府陳娘歌第一

題簡天碧畫山水

西江隱君簡天碧醉來畫水復畫石春山秋樹綠更紅
木橋野屋橫且直烟雲蒼鬱風雨交元氣淋漓障猶濕
雪蓬夜宿魚尾舫晴蓑曉掛牛角帙岷關巫峽冬氣清
猿啼鳥嘯天一尺老來看畫眼苦澀便擬買田溪水側
脫去賜帶繫芒履著書五車刻苔壁

秋意

銀床墜露下高桐竹練含冰留麝籠蒲萄酒作碼礮紅
湘娥江邊採芙蓉月華流影天漢東素商淒清颺微風

金匱要略卷二
草根知秋有鳴蛩

寄家書

春雲閣雨花泥少池上波平飛白鳥
薊中河外盡天涯
蓮葉圓時身到家

五言律詩

春行南郊

綠樹連城合蒼藤入澗懸作橋分野路
取竹縛溪船載酒誰留客看花我欲顛
歌詩諧故老笑語屬神仙自鑿

蒲萄井人開首宿田銜櫻黃鳥哢窺藻白鷗翮狎坐欣
時俊隨行喜妙年山陰知寂寞春服且雲烟

固始縣南岳行祠

往歲曾登眺今朝又漫來山禽鳴獨樹石壁漬荒苔水
淺沙痕亂天低鴈影迴春風吹白髮有酒且銜杯

應制壽王少傅

皇極數多福臣工保壽耆提身名愈茂佚老眷殊彌疏
廣金無幾祁奚子更奇堯樽沾露醴齊服剪冰絲几杖

隨身到冠巾與野宜珊瑚生海石琥珀出松脂西掖清
光徧東朝寵渥私仁風初煦煦化日自遲遲宸詔徵歌
曲仙音被樂詞乞言方有待莫去採靈芝

過文著作家

誰住街西屋文昌著作臣茶甌宜客靜書帙覺予親栽
竹應棲鳳操觚定獲麟青藜明夜半北極動星辰

贈王待制

雪樹明街樾冰澌合御溝物華迎節換淑景拂天浮長

日書封事經年問酒籌已知花塢好借汝獨重游

翰林書佐杜元美戲綵堂

聖代文明日時賢事業初雍雍封邑屋秩秩表田廬孝
友歸今杜風流藉後子無詩歌陟岵有賦叙閒居夏閣
搖紈扇春船捕錦魚又尋倉氏米還寫翰林書追陸重
懷橘非溫笑絕裾五雲誇地近三釜喜身如我亦陳情
者誰云捧檄歟強來親筆硯不去荷犁鉏大母頭疏白
諸嬰口聚鶩薊中瑩入路河外野沉旃

一作車
又作華

藝圃思

傳業天門聽唱臚終慚老萊子欲語復籊籊

送文著作往鄂州諭南使

大化均天施皇圖象岳寧宣風依日月發號布雷霆
貔虎嚴分鎮鸛鷺蔚在廷芝莖聯孔廟蕙葉茂堯庭
珠米圓圓白樓桑箇箇青謳吟興隴畝游衍及郊坰
楚俗那三戶滇童信六經已知含煦育復此仰儀刑
使得皇華美歌應湛露聽賜衣裁錦段官醞應瑤舄
上國崇懷服熙朝尚德馨魚書間粉蠹鷄卜枉軺星
鄂渚翔鸚鵡燕

臺念脊鵲歸途回四牡楓樹失江汀

送王眉叟真人

秋暉上寒竹白鶴立蒼苔石洞松花落雲房澗水來彈
琴翻道曲搗藥應損衰別浦迴船急孤山看早梅

送人之陝省幕和韻

綬帶驚沙鶴紗巾逐海鷗驪山泉未冷華岳樹先秋路
出汾陽里衣仍晏子裘風流蓮幕羨君豈歎淹留

伯長內翰與繼學內翰聯句賦畫松詩清壯偉

麗備體諸家祖常實不能及後塵也仍作詩美之焉

吳絹冰絲白秦封石髮青沐華浮鶴露戢景蔽鶉星刻
畫風雲狀雕鏡鳥獸形哦詩鏗玉署集句燦珠經曄曄
舒光氣沉沉逐杳冥離歌三疊唱凱奏萬鏡聽肅穆官
師位雍容樂舞庭江花春艷艷山竹雪亭亭自笑如塵
俗懷慚似酒醒無因題琥珀有去對鷓鴣

都城粟氏玩芳亭

歲序催人老韶華逐酒濃開尊應數數閉戶豈重重
花朶山猿折齋廚竹笋供京塵衣不染猶得媚春容

春寒

春寒犢子瘦誰與念農耕地底多生煖天邊正要晴
落梅栖雪暈裂竹見風聲為問催花鳥如何得使名

送蘇子寧赴嶺北省幕

鷄塞鳴秋柝龍沙列夜營賜衣俱魯縞給餉盡吳杭
野井冰生夏寒天雪沒晴藩垣資贊畫幕府正知名

送劉侍儀祠祭北鎮醫無閭

名鎮坤維左雄藩碣石邊宵明觀海日春媚禊河川塞
道迷沙磧郵亭過玉田驕驕憐駟騎撥襖費羊毡亦有
鮫人室應無鮪戶船山椒雲物異天角斗樞偏望美祠
官貴時清祀事專祝禧孚感格錫福待敷宣

謁告書懷

先子桐鄉地年來憶舊游山春花競發沙晚水閒流石
屋青霞夜藤床碧樹秋防身龍具在強欲問吳鉤

贈彈琴道士

苦竹到階深雲房豈易尋
倚松聞磬韻對石振塵襟
芒屨玄壇曲瓊冠紫殿陰
仙翁嫌我俗不肯坐彈琴

用韻贈王繼學時祠禱天寶宮

玄關松桂深長晝客來尋
撫石雲生手弄泉風滿襟
鶴巢連屋角蝸迹上碑陰
須信祠官美烹茶更鼓琴

送董仁甫之西臺幕

西南萬里地詔屬大行臺
秦樹浮天去巴江帶雪來
山

河無用險邦國正須才臺幕風流美書籤想盡一作開

畫

送周南翁待制

鷄曙辭宮漏鷗天趁客船帝書鸞紙瑩母侍板輿鮮林

壑烟霞古

一作舊

松楸雨露偏儒臣文藻劇隴表勒高阡

華清宮故基

開元人物盡茲地尚華清古道風塵急溫泉日夜生碑
詞惟石蘚宮樹有春鶯過客知王建題詩不記名

靈州

乍入西河地歸心見夢餘
蒲萄憐酒美苜蓿趁田居
少婦能騎馬高年未識書
清朝重農穀稍稍把犁鋤

宿遷縣

河伯朝宗日黃昏

一作
塵

出岸高蛟龍分窟穴舟楫用波

濤使者修隄急田疇棄屋逃
無錢誰貰汝歲晚更嗷嗷

呂梁

天府河流北徐方禹跡難
青山開石硤白日看風湍
星宿光芒合坤維脉絡蟠
吳船牽百丈醺酒酌陰官

泗州塔

梵塔層層出雲間見象輪金光動淮水鐸語召川神負
載坤多力莊嚴佛有因埏陶千萬億穹石刻銘新

舟中

藂薄縈雲曲岡巒引霧深舟輕風燕疾衣薄水螢侵夜
久江喧瀨秋清竹滿林閒情任飄泊到處欲登臨

徐州弔蘇眉山

城角黃樓壯蘇公骨已仙亂流無嚙石宅土有居塵才

大為時忌名高得世傳舟中卧讀賦臨水一琅然

挽饒國吳公

泣雨纏丹旆靈風攬素帷
畚君歸廟日饒國表阡時
穹石鑱仙錄華編綴詠辭
山原松漏月墓道櫟生芝
諧世資清福全天樂壽耆
孫聯書殿列兒侍竹宮祠
執紼嗟何及居廬願莫私
明王崇秩祀斂錫待敷施

送郭巨卿之南臺

臺府濤江外官清吏報稀
印朱塗野靄研潘滴山霏
列

鎮幽明入方州殿寂歸美君高步穩悔我棄荷衣

送王伯弘平章

袞職華蟲聚台堦象緯明世須先穀帛治理後章程所
貴求儒效何勞得論衡退公無候吏飲介有諸生楓陛
都俞密槐庭屬望清助耕千畝藉謝絕五侯鯖疏傳專
高節韋賢擅令名臣工商相重鄉國魯公榮汶水春疏
疏一作流鮪徂松夏嘯鶯來宜思舜慕去合體堯情尚醞隨
飛騎宮衣滿賜簾曹裝應再趣莫擬種黃精

送侯廣彥秀才

淮水清無石君行去路賒分金知鮑叔問字見侯芭雲
滿山遮路天高雨送霞士貧方傲世白髮豈多嗟

秦元卿家慶圖

天爵榮良貴皇家錫顯封恩光依上國寵渥蔭華宗椿
悅荆交艷萱妍桂競穠園亭春掩映桑野畝橫縱令子
官徽省諸孤胄辟雍儒功誰表率善俗此儀容

辛良史披沙集詩

未可披沙揀黃金抵自多悠悠今古意落落短長歌秋
塞鳴霜鎧春房剪畫羅吟邊變餘髮蕭颯是陰何

海子橋

首二

朝馬秋塵急天潢晚鏡舒影圓雲度鳥波靜藻依魚石
棧通星漢銀河落水渠無人洗寒露為我媚芙蓉

南望蓬萊觀行人隔苑牆有時馴象浴不見狎鷗翔宮
樹飄秋葉江船認石梁辟雍真可作擬賦獻文王

秋谷平章生日

上宰儒宗重中台位望隆承天施坤北捧日照瞳矐汾

洛精靈合文章運會通鄴侯初亦

一作生兆

昂周翰降維嵩

姬正逢陽復義車舍斗中眉毫齊紺髮仙骨炯方瞳鸞

鳳翔千仞貂蟬侍兩宮天池浮畫鷁公衮煥華蟲造命

毗元化書思沃帝聰山河尊社稷禮樂賴臣工韓國蕃

宣永高皇報施崇從來黃閣貴只屬紫芝翁檻竹沉沉

翠庭花灼灼紅道山藏畫象詞館轉詩筒洛下耆英盛

人間壽域同君王自養老何羨菊潭東

送李元章之陝縣

元章舊官太常

周漢風流地郎官出宰年憂民思罄折去國想官

疑作宮

懸種樹連闕右栽花近洛川莫嫌齋馬瘦春雨便行田

送符鎮撫之官

金符傳拜將白羽看麾軍吹角弓橫月開旗馬望雲舅
家書盡讀新府令初聞油幕風流盛吾歸詫隱君

題仇公度所藏先世家訓手澤

斗南人物論仇氏爾為先曄曄文華在綿綿世美傳庭

趨元獵較祿養有圭田感慕吾親志臨書淚迸泉

泉南孫氏園亭

鑿石通歸汐浮梁看浴暝鴨闌萍上
羣鹿柵蘚生垣蒼
藟乘梔子簞簾長竹孫書香芸辟蠹席煖錦裁鸚交客
登仙籍承家荷帝恩冰甌蜂蜜溜酒榼荔漿翻吹簫花
圍屋彈琴鶴舞園海雲春有態闌雪夜無痕誰謂衣裳
懶予今杖屨煩將鬚歌月地翹首望天門

贈里人別因寄祖義祖烈

萬里天南地逢君似到鄉欲同觀海嶼忽別上河梁楚
樹思題葉淮僧憶借航歸時報兄弟莫遣石田荒

再從浙入閩

首二

江外淹留久那堪去復回水生客星瀨日出偃王臺
竈茶甌至筠籠橘顆來春雲又成雨着意落寒梅

積雨關河濕今朝日始晴浮船下夜瀨覓酒近春城
鵝鴨將雛出牛羊傍母行獨憐無侶客萬里又南征

送光州陳仲禮知州任滿北上

太守官仍貴王畿路豈賒歌驪君獨喜繫馬我興嗟
髦士應朝請羣公論汝嘉送行無酒榼歸去有書車
曾望雲浮樹淮空雨斷霞鴈來猶為稻鷺下獨憐沙
宗器知瑚璉祥金未鑄鉚漢庭須賈誼揚宅失侯芭
涉歷川塗異游觀景物華秋風河漢側被髮泛靈槎

次元禮弟韻

白鶴愛苦竹婆娑正爾嘉田居門近水野飯甌炊霞
自種千章木誰乘萬里槎小亭燒藥處依約是仙家

送人自淮南賣田還江陵

楚國方城外江陵漢水邊俊才多顯達高士亦留連
濟夫君美栖栖獨爾憐如何無紫橐尚此有紅蓮
歸覓千頭橘行荒二頃田相逢還又別春水看浮船

謝紙

長夏身無事煎茶被竹練官清還食祿俸厚欲收書揖
客談玄理逢人問故居不因舒道士無紙寫枰欄

遊華嚴寺

化國日遲遲招提獨往時鶴馴看梵磬猫定護齋糜貝
葉翻經譯沙墻應制詩庭前雙樹好長夏得風吹

次韻繼學

三首

金爵層霄外銀猊曲檻邊合香俱國士持橐半神仙豈
有遮塵手應無見麴涎地清天似水席煖罽如綿客送
蒲萄酒人分苜蓿田書思趨豹省挾藻賦龍船

時上京自大都

移舟至誰念馮唐老為郎白首年

雞塞西寧外龍沙北極邊有天皆入貢無地不生仙鵲

玉光含水驪珠濕帶涎香清堪閑閣衣薄豈勝綿珥筆
遊鰲禁扶犁占鶴田酒來揚子宅人上剡溪船自信篇
章貴能歌擊壤年

丞相晨趨漏元戎夜拓邊碧雞崇漢時丹藥監秦仙敢
謂鰲頭選初逃虎口涎柳詞方濯錦雪賦已抽綿艷艷
金為屋輝輝玉滿田客衣隨楚製鄉夢逐吳船所賴三
階正螭坳記有年

陪可用中議祠星於天寶宮

教命司諸席元辰集醮筵星君符介壽歲紀輯安躔炬
焰天無夜熏焚樹有烟音如維嶺上拜似竹宮前藥笈
祥延世飈輪儼御仙日餘青煒接宿耀闕壇連象緯昭
重潤齋明祝大年步虛垂珮響奠幣織文解誠感將馨
祀神娛樂鼓淵蕃釐歸帝胄孚祐播農田

崇真宮西梨花

春日梨花下相逢把臂行香痕憐粉白酒暈惜紅輕影
動簾穿燕聲來樹度鶯共當拚一醉莫待鬢華生

明日在羅中官園池次韻

帝里春光媚花前可獨行
額黃團帶小眉綠畫痕輕蕩
漿波浮鷁裁衣粉妬鶯却愁風信惡明日樹生陰

送可升法師祠武當山

華芝三曲蓋靈馭九龍車
人喜仙官至誰云帝闕賒
山神驅黑虎真侶耀朱蛇
石髮松膏霧天衣雨織霞
澗青春舞藻岩紫畫垂花
醺席羅星斗賓筵競鼓笳
乘槎過博望喫酒問欒巴
竭澤無魚苦施逵有兔置
熙熙歸化

域遲汝報重華

送楊仲禮江淞提舉儒學

江海雄南服衣冠重北門
仗雲移振鷺船霧送翔鶴酒
屢招人飲文多與客論名
高依日月道大信乾坤官拜
儒臺貴班聯會府尊齋廚還
筍蕨賓所盡蘭蓀佐吏言
猶雅公庭禮不煩過家懽上
塚去國戀承恩田垌觀魚
子隣墻撫竹孫光榮休負
琴歌鼓樂鄉村

武當山道士贈行

幽居鑿石楹仙路接青城印字苔行鶴拔金樹度鶯飛
光無短景上壽有長生星斗何曾闕玄壇夜夜明

瞻得之慶母壽十韻

壽域資皇極天樞夾泰階樂生黃髮並錫福白眉皆有
母禕裁副因兒綬結綢高年方宴賜偕老屢興懷承祀
言供食延賓使賣釵鞶絲猶故物彤管賴吾儕蘭茁矜
熊枕花明藉鹿柴學書圖史備贄禮束脩差子欲登堂
拜誰令出旆諧歌詩陳善慶勒字擬磨崖

盧師山下過郝景文叅政墓

故相聲名遠荒阡松栢長地能終不夜天莫借飛光舊
客驅車過新詩洒淚傷千年此山下樵牧禁牛羊

送史正翁經歷之嘉興

京華春滿眼楚客榜船歸花送行衣舞鶯從上苑飛尊
鱸隨俸入桑苧接田肥鈴閣文書少還知小吏稀

姚左司墨竹為賈仲章尚書賦十韵

江渚春生雨山楹夜宿雲擇鱗穿石錦節粉帶書芸玄

玉昆刀削素絲并剪分魚竿方問野鳳管已相一作招君

莫作宣房楗還歌華澤文露零忻鶴警星度恐螢焚影
似風櫺見聲如雪愧聞裁冠終有製作屋更無氛移植
驚燕叟盤根識楚妘中郎揮墨汁宗伯侑鑪熏

許右丞蘸道士祈感應

榮門先赤幘索室借黃冠箋奏冷風至符飛苦雨乾市
船難繫買禾耳可芟利朝薦祈年觀昏祠太乙壇嘉生
資五福哀籲劇三盤魚鼈還陰宅蛟龍謝夏官金穰夸

浩浩粒食且搏搏神享希羞蕙靈歸藉用蘭車輪非有
角馬足忽生翰帝念愚眊病民歌法網寬祝祠期不繆
相國寸心丹

送許誠夫大監祠海上諸神

上聖崇明祀元臣屬有文內香開寶炷制幣出玄纁授
節臨前殿傳臚聽後軍酒清黃木廟魚祭武夷君颺母
應回雨天妃却下雲不勞風有隧猶願楚無氛漕粟瑯
琊見還珠合浦聞穹蒼天坎潏溟渤氣網緼龍戶編魚

賦鮫人織霧紋時祠光炯炯宣室語欣欣鵬運連番舶
輶歸願冀羣觀書曾拜洛歌賦不橫汾越水琉璃靜閩
花茉莉熏伏波封莫請宵旰念華勛

次韻阿榮

目錄
作崇

叅政

輦路青雲上居人杳靄間寺鐘聞下界車轍在高山倚
馬才名世鳴鷄客過關黃陂隔淮浦歲晚約同閒

元禮弟寄和韻

野雲不肯出作雨漲山溪頗謂談捫蝨何如學祝鷄鑿

池通竹遠插架度書低秣熟秋田後應知酒自攜

適意

夢想蒼龍闕盤桓汝水濱郡侯偏愛客秋雨更留人
饌盛嘗鱸膾樽空倒角巾霸愁不能遣爭奈二毛新

贊御書雪林二字為趙伯寧中丞作

聖主敷文化臺臣得寶書方圓河洛出次舍日星居禹
畫州圻古義文物象初克勤資負宸躋敬賴儲胥王錫
非輦帶天光豈器車傳家恩有渥訓德義無餘浩浩永

華潔亭亭木本疎山輝因玉潤雲氣是龍嘘瑩爽才尤
峻栽培力不虛明良須慶會動植樂舒徐眷遇榮金匱
謳歌媿石渠賤微叨下列瞻拜舞階除

張元傑祠龍虎武當

皮葉芙蓉闕歲蕤翡翠幢祠官天北下仙屬日南降香
雨沾春隴靈風鼓夜江神來乘馬四使至戴旗雙宣室
還因鬼箕疇却為邦玄君明月珮玉女白雲窻淑氣非
烟縷祥光豈燭缸兩山通地脉萬竇響泉淙有樹皆生

酒無苗不闕

龜蛇龍虎地

蟬螻好為砭

求趙伯顯畫家山圖用唐李中韻

春鴈南來後家書一紙無
山花應向日陂水計通湖
羸特衣資絮生蠶薄藉蘆
久宜拂白石強此伏青蒲
琴客分抄譜仙翁許借壺
園紅榴火煉沼綠芡盤鋪
嵐氣飄簷隙烟光鬱座隅
呼雲橫蟬螻問月看蟾蜍
倚杖心何逸觀魚興不辜
新開竹林逕併乞寫成圖

猗綠園

殖產吾何取開林我獨能縛船嘗取竹擣紙每移藤池
曲波濤小花繁霧雨蒸春雲同礎潤秋月共江澄鳳下
非因食魚來不可留寫經還道士裹飯乞行僧筍屨新
青折荷衣舊翠凝浮甌茶有乳溢甕酒無冰香炷留文
篆書囊剩繚綾清晨食玉罷東坐日初升

贈廬州黃孝子

我家淮水上孝義夙多聞邑屋封華表丘園聘束纁久
嗟毛義檄更嘆董生文白石山中去吾將問隱君

雲巢道士

弱水不容舫仙山本負鰲坊偏朝斗柄材或伐蟠桃網
戶春絲密梁河夕竦高點金應有藥切玉豈無刀雨裏
攀龍鬣風中拾鳳毛露珠凝藥白霞纈暈綃袍箕尾人
能遇靈槎客每遭隔塵勞夢想斥鴳在蓬蒿

出都

長城懷古處身在日華東水出盧龍塞山連碣石宮沙
鷗終自白霜樹忽然紅雲海鴻濛氣歸颿杳靄中

項子虛鍊師歸舊隱

黃石書難遇青精飯易逢山中霞盡碧海上日偏紅舊
種三珠樹新栽五粒松大年能駐景上藥可還童塵隔
悲浮世仙成劇化工龍來寧有穴鶴放更無籠衣製波
紋穀琴修火爆桐綠章飛洞府藥笈奏神宮默默龜潛
息憧憧蟻鬪聰鍊形吾體惡因爾問崆峒

題惠崇畫樹林

下瀨生秋響平林漏曙光蜀橙陰十畝閩荔熟千房不

聽樵夫伐無勞匠石傷靈槎上天漢全棟架明堂黯黯
雲垂幔霖霖雨濕牆鴈奴呼伴審鳩婦擇棲詳路遠逢
仙宅天低近帝鄉春行苔履滑夕坐筍書香東絹刀誰
剪西園價爾償懸車清渭後白髮洒蒼涼

虞伯生學士畫像

韋相傳經業楊門世講官箕裘君自得文字我知難汲
冢朱塗誤秦灰墨補殘黃流凝玉瓚僊露滴金盤不肯
投漫刺偏宜戴小冠近林聽竹雨臨澗看風湍詔入蒲

輪軟訶歸釣石團青山連石國白日照長安擬卜龜呈
兆將書鶴借翰風流圖畫裏方自見神完

登雨花臺

積翠生層巘凝光浴巨濤吳城花覆井楚舸竹栽篙地
近魚龍逼天空鶴鸛高野橋皆蟬蛩溪水盡蒲萄雨石
逢芝箭風林得鳳毛臙脂兒女小罨畫鬼神饕六代都
街壁三山尚戴鼇故宮猶荏苒古樹漫周遭仙洞歌瑤
草人家宴碧桃飯香非接浙酒好不芻糟綠霧春連閣

丹霞曉映袍攀躋忻境勝跋涉憚人勞老我才還劣清
資媿重叨採詩今有使問俗似無曹佳麗千年寂聲名
一世豪歲時休澣日攜手可遊遨

南野

南野新亭好城坳築小丘飄花如

一作迷

虎落

一作穴

過水

識龍舟朝士尋山到隣翁載酒游五雲天垞隣書帙瑞
光浮

紫芝不用事

霞纈盤華盖天葩擢商雲孕靈菲有種挾藻忽成文冠
直蘊仙裁羽纓垂女製裾原田多衆草獨爾擅綢緼

贈楊洞天道人

我自不入俗君今又欲仙鳥啼百花裏屋住萬山邊密
樹雲難過空潭月易圓題詩秋卷了為說小行年

五言九

首

太行東北去形勢自天分一葦航吳越千車輓朔雲衣
冠今復盛豪傑古猶聞欲獻三都賦茫然愧不聞

不作還山夢因吟李杜詩平生無飽飯抵死只憂時事
實兼唐史風流揖楚辭山川舊遊處千載有餘悲

王子不耐俗還山應恐遲挑燈同此夜把臂憶當時愛
我常懸榻逢人只語詩買田今已決莫負耦耕期

好去春山路騎驢罨畫中徜徉紫芝客憔悴鹿皮翁得
酒寧辭醉逢人莫話窮乾坤皆古意人自不相同

御史青驄馬詞臣白玉堂有才皆展驥此老尚亡羊雲
海迷舟路天風失鴈行不須愁白髮正欲媚幽光

古意在眉宇新詩應口哦無錢賒酒得有屋喜人過宇
宙千年事功名一曲歌執鞭吾亦可稅駕欲如何

聞道光山縣城南十里賒人家依翠竹野水亂梅花應
有仙燒藥寧無客艤槎行當問田畝結屋貯烟霞

栽竹復栽花居然處士家有田供白飯無句咏青霞春
雨浮隣甕秋船繫樹槎漁樵相見熟來聽讀南華

又是蒺藜秋浮槎繫旅輶古城空石堞平野半沙丘自
笑滄洲客還期汗漫遊明朝入衛國淇上買扁舟

題張良卿御史乃翁萬戶死邊詩卷

莫恨將軍死將軍死是身子今簪獬豸國擬畫麒麟銅
柱聲名舊燕然記刻新叢祠寄江右百世衛邦人

春思調王修撰索待制

二首

翰林王學士宅裏好花開白紵裁春服青錢喚酒杯終
知老子興嘗望美人來笑我如椎鈍敲門一百迴

京國春風軟名園花信來只愁添酒價還恐負詩才繡
袂鞦韆下銀鞍驤裏回詞臣應自貴深院閉莓苔

再用韻奉繼學

二首

修撰官清切高齋不易開青鳬憎綠幘黑潘覆瓿杯日
日裁書出年年賜錦來最憐山簡拙惟有習池迴

山東豪俠客走馬兩京來芹藻流清譽絲綸藉美才但
能鈴索靜還使酒船回夢想庭前鶴竒踪篆紫苔

次韻咏石

老石何年有依稀滿路旁無人愁飲羽有客坐亡羊戒
世能言晉傳書豈姓黃補天成五色何獨柱明堂

北行

山轉疑無路溪深似有雲衣裳沾沆漚鞍馬入氤氲
樹花凝畫崖藤蔓駐矚佛宮金匝匝帳屋錦文文塵坐
車爭出霞舒騎亂分烟中聽犬吠天畔見人耘草檄期
誅泚歌詩擬弔蕢家家收棗栗處處種榆枌有仙人
記琴無山鬼聞時巡勞聖主靈會名神君泉脉流釵股
松身鏤纈紋團團畱象跡矗矗立駢羣龍虎盤南石貌
貅鎮北軍井鹽仍皛皛馬酒亦醺醺越貢珠璣錯夷琛

翠羽紛弓旌徵隱逸斧鉞賜功勲俗已多羊酪民還賤
豕積雨餘雷菌長秋入地板芬井邑聯山海倉箱溢隴
汾白鷹隨雪鴈黃鼠掘田鼃太祖初飛御中原正溺焚
劍光明塞道箭影落窰氛聖嗣開元極天聲震大贛輾
門方納禹國鏡又收員降主來銜璧奔君自束縕只今
修桐蘄何但去輓轅公子衣縫掖王妃曳練裾期綿堯
歷祚物阜舜風薰學士工謨訓成均載典墳小臣難頌
德祇合採書芸

送同年趙繼清尹安陸

席帽文場裏于今十七年
白鬚俱滿鏡墨綬獨行田
翼知吾刺鸞樓覺汝賢
高才多晚達未可嘆迢迢

寄舒真人

金闕來華蓋琳壇集羽衣
石因鐘乳膩松為茯苓肥
劑墨香翻杵修琴玉布徽
天低臨象緯日近逼光輝
竹裏開長逕池邊蔽小扉
紅迷霞綺錯綠漲水環圍
仙杏葩凝赤蟠桃萼剪緋
龍來還獨宿鶴去更知歸
割蜜蜂先

避銜書鳳自飛祠雷陳古磬符鬼掣靈旂丹井泉偏列
銅盤露未晞俗人那得識詩客盡相依伊我逢休澣從
茲詠浴沂憑師消鄙吝猶可採山薇

送華山隱之宗陽宮

江閣魚龍近山房霧雨多地清天不暑池曲水無波筍
簪迎書帶櫻桃送錦窠呦呦呼伴鹿嗷嗷換經鵝養素
行編屨乘閒坐織蓑幾篇食玉法一帙醮星科香爇沉
銀葉衣裾佩紫荷丹光留海月絳景出松蘿醉憶泉浮

乳幽憐石爛柯神君攀綠桂天女踏青莎邀客登山頂
尋真入澗阿洞簫吹道曲雲紙寫魚歌子髮今如此君
心可奈何高壇見明月為我問娑羅

石田山居

八首

甲子人愁雨河田麥已丹歲凶捐瘠衆天遠禱祠難賈
客還沽酒王孫自飽餐更憐鰲面黑征戍出桑乾

積雨衣裳濕愁人是麥田泥將深沒馬霧欲墮飛鳶翼
火勞薪盡家居老屋穿墻根雜蛙蚓擬買繫籬船

光山楓製錦潢浦荻飛綿秫熟何論酒魚來不計錢卜
鄰多野老求藥有神仙為客留羹筍清晨步石田

四月淮天雨清林蔭碧池筍香鄰菴酒禽響

一作聽

客窗

棋田鼓春迎社鄉巫夜賽祠漸知飄泊久自覺是農師
無麥夫何極吾憂隴畝空豈能驅盜賊得忍鬻兒童茶
蓼充腸熟樵蘓救口窮無端縣小吏召役到疲癯

作客何多意淮南即是家自牽蘿屋小不正葛巾斜書
懶眠尤熟詩來酒更賒春天雲嫵媚相對坐鷗沙

竟日無賓主山房一老翁竹光浮畫碧花葉颺春紅田

父分離桀

一作
柵

鄰僧乞鶴籠時行親杖屨未覺坐書空

淮南窮僻地先世有林廬花曙鳴山鳥片春躍岸魚鼓
琴仙度曲種杏客傳書朋舊如相覓休嗔禮法疎

郎中蘇公哀挽

墓門翁仲泣秋草九原深身世書盈屋鄉園樹滿林故
人多執紼令子早冠簪曾作陽關曲今成薤露吟

古城熊翁壽考

高年開八表治世遇千祺馥郁蘭當砌歲蕤荊滿籬子
能知負米孫更喜含飴但願雍熙內吾民盡耄暮

一作期



石田文集卷二